

E te Etitā, ahakoa kua tae ahau inaianei ki te turanga o nga tino kai tiroiro o nga kura a te Kawanatanga, kaore rawa i te wehe mai oku whakaaro me toku aroha ki te iwi Maori. Noreira i nui rawa ai taku mihi i a au e matakītaki nei ki nga tamariki o te iwi Maori e fautorotoro atu ana ki nga faumata nunui o te matauranga o te iwi pakeha. Kia ora a R. T. K. me nga tamariki o te iwi Maori. Kia ora hoki fa tatou pepa e taka haere nei i waenganui i a tatou, e unu haere nei i nga whakaaro nunui o fena o fena.

Heoi ano. Na to koutou hoa.

NA MANU.

(Kia ora to tatou hoa rangatira a Manu. Nui atu te whakamahi mou ka eke nei ki tena faumata honore kua taea na e koe. Na tou mohio, marama, pai hoki, i taea ai e koe ena turanga nunui. Otira me ki noake e matou na to turanga hei kai-tiroiro mo nga kura Maori i te tuatahi i kitea ai tou pai me tou marama. Kei te hari matou mou kaore nei e wareware ki to iwi Maori. Kia ora e Manu kia nui hoki nga manaakitanga a te Wahi Ngaro ki a koe. Na te Etitā.)

NGA KUPU A TE WHAKATIHI.

HE RANGATIRA NO NGATI POROU.

(Na R. T. K.)

Ko tetahi whakatāuki e whakamātia ana e Ngati Porou ko nga kupu a Te Whakatihī: "E nui e te whakahere, e tau e Tamaiwaho." Kaore a Te Whakatihī i marama ki te korero ara ki tona iwi; he reo ngau. He "e" ki a ia nga mea katoa. Na Mohi Turei i tuku ki Te Pipiwhararua te tononga a Te Whakatihī ki nga Mihimare kia iriiritia ia. I ki atu ia ki te Mihimare, "E haere mai e au, e pirangi e au e te iriiri, e whakapono hoki e au e Ihū Karaiti. E pai e te whakapono e Ihū Karaiti, e takoto noa e au e inaianei e te paenga e taku mōara o Te Pira Hiru, e kore e wehi e kore e aha."

I puta he raruraru i waenganui i a Ngati-horowai me Ngati-puni mo Maunga-whio, he taunga hapuku hei waho o Waiapu. I whakaritea ma te komiti e uiui faua raruraru. Ko Te Whakatihī tetahi o te komiti. I tu te hui ki Te Korotere he kainga no Ngati-horowai. I te taenga ki te marae o te hui ka matakītaki te komiti ki Ngati-horowai e takatu ana ki te patu kai ki te mahi kai ma te komiti; tena ko Ngati Puni waimate marae - kua hipoko noake te atarangi o te hinga. Ko te karangatanga o Te Whakatihī, "E! e! E nui e te whakahere e tau e Tamaiwaho." Ko Tamaiwaho he atua, e tau ai, e pai mai ai, ma te nui o nga kai, o te whakahere. I te whakataunga o te raruraru aroha ana e nga atua ko te taha mana nei nga peka momona. I whakahopu a Te Whetu-tawere, te rangatira o Ngati-puni, na Te Whakatihī faua whakatau, ko tona riringa ka mau ki te huata hei wero i a Te Whakatihī. Kei te tupeke a Te Whetu-